

ديوان

بواقى حنين

للشاعر:

محمد عبد المنعم



حقوق الطبع والنشر محفوظة

لدار الأديب للطبع والنشر والتوزيع

دار الأديب للطبع والنشر والتوزيع

بواقي حنين.. (طبعة أولى)

محمد عبد المنعم

(2020/ 15681) بدار الكتب المصرية

978977-85763-0-6

دار الأديب

من تصميمات الدار ..

اسم الدار

اسم الديوان

اسم الشاعر

رقم الإيداع

الترقيم الدولي

الإخراج الفني

الغلاف



Tel:01014449164

[Gmail:daraladeeb@gmail.com](mailto:daraladeeb@gmail.com)

إهداء

لأنها حبيبتي ..

أسكب حنايا قلبي على دفاتر أشعاري

واناشد كل احرف قصائدي قبلي عينيها

وأهرب من كل مدني القديمة واستقيل

يحملني الشوق طفلا الى شاطئها

وانمق تعبيراتي واقطف من رياحينها

لعلها تكون جديرة باهدائي اليها

الى زوجتي الحبيبة ورفيقة دربي إلى من كتبت معي احلى ثلاثة قصائد

ملك ..

بلال ..

هنا ..

أهدي ديواني الجديد..

قراءة في ديوان (بواقي حنين)

إذا لم يتطور الشعر كما تتطور الحياة فلن يكون ذا قيمة ، فعبر التاريخ
الشعري على مستوى العالم كان الشعر سباقا لأحلام الناس ينشط ذاكرتهم
ويطور أفكارهم ، وكان الشعر دائما وأبدا مواكبا للأحداث الدولية والعالمية
مما جعله لسان حال المجتمعات في كل الأوقات.

وقد تميز شعر العامية عن الفصحى بسرعة المواكبة والمسايرة ، حيث إنه
لسان حال الشعوب ، فالكلمة العامية تصل لقلوب العامة أسرع من الكلمة
الفصحى ، وهذا سر وقوف بيرم التونسي في القيمة بجوار شوقي ووقوف
فؤاد حداد بجوار نزار قباني ووقوف صلاح جاهين
بجوار صلاح عبد الصبور .

وهذا الديوان السادس: للشاعر/ محمد عبد المنعم يقدم فيه تجربة خاصة يتميز بها
الشاعر عن غيره في طرافة الفكرة ومواكبتها للحالة النفسية والشعورية
التي يمر بها ، في عبارة رقيقة وأسلوب سهل وصورة جديدة خاصة به
ورغم حداثة التجربة إلا أن الشاعر يمتلك موهبة تحتاج لمزيد من الصقل
لكنه يملك منطقاً سديداً ، وخيالاً بعيداً رشيداً ، ويمكنه أن يطور شعره كثيراً
كثيراً ، من خلال الصبر على القصيدة ، لأنه يمتلك موهبة رائعة ، ويمكننا
أن نقدم مثلاً على ذلك ، حينما يقول الشاعر / محمد عبد المنعم

ميت ألف شمس مغرمة

ياما وانسوناف ليل اليم

خطينا بيهم اى سور

دلوقتى ليه كل الليالي قمرها غاب..؟؟

دلوقتى ليّه صوت الوداع ورا كل باب..؟؟

واضح أن لغته هادئة ميسرة دون تقعر في الكلمة ودون تغريب أو تشويه

للصورة ، هو يريد أن يصل لعقل المتلقي بأبسط الطرق الممكنة ، ولا

يبتغي أن يجعل المتلقي يلهث خلفه سدى ، فيقدم له مما يملكه المتلقي لا

مما يمكن الشاعر من تقديمه ، فهو يجعل المتلقي شريكا له في الكتابة وهذه

خطوة لا تتوفر لكثير من كتاب شعر العامية ، شكرا للشاعر محمد عبدالمنعم

الذي أتاح لي فرصة الإطلاع على ديوانه قبل النشر ، لأقول للقارئ أنك

امام شاعر موهوب ، اكتملت موهبته وفي طريقه لاستكمال أدواته الفنية

من خلال القراءات والمتابعات لمن سبقون ومن يعيشون بين ظهرانينا

وشكرا لدار الأديب التي تتبنى المواهب الحقيقية ، ويقوم الدكتور

سيد غيث بجهد كبير في هذا الاتجاه معلنا أن المستقبل

سيكون للمثقفين لا لغيرهم .

بقلم د. رمضان الحصري ..

کان یقولي !!..

کان یقولي ۱۰۰ بحبك !!..

بس روهي مش معاه

کان واصفنی بنت قلبه

كنت ساذجه مصدقاه ..



هو سابنی لما شاف حضن تانی بیحتویه

رد بابيه وانا لسه من غبائی عايشه ليه

قلبي يومها کان مغمض کان مأمن ليه بزياده

عمری ما فکرت ابعد ولا کان عندي إرادہ

عمری ما اتخيلت لحظة ابقى واحده من ضحايه



كنت شايفه الكل هو کان شايفني سد خانه

كنت جاهله حقيقي فعلا ف اختياری للأمانه

کان يقتل ف احترامی كنت باتساهل ف كرامتي

كان بيكدب وبغبائي عمره ما حس بقيمتي
واللي ف الدنيا يموت صعب ترجع فيه حياه



بقينا زى غيرنا

واخداني لسه الذكريات لذكريات

وعين بتلمع بالدموع

تصرخ اوام وهات يا عياط

لسة بتحلم بالرجوع



هوانا قلنا دا ملحمه

ميت الف شمس مغرمه

كانت بتبعنا لينا نور

ثومة وصوت عبد الحليم

ياما وانسوناه ليل اليم

خطينا بيهم أى سور...!

دلوقتى ليه كل الليالى قمرها غاب..؟؟

دلوقتى ليه صوت الوداع ورا كل باب..؟؟

والف قصه بتنتهى وساييه عذاب

بقينا زى غيرنا حد واقف ف الطابور



إحساسنا ليه كله اختلف

من بعض انا وانتى بقينا فين

والنوم بقا هروب للاسف

من الف ذكرى وم الحنين ..



على عكس كل توقعاتي ..!!

انا لسة فاكّر ضحكك وسط الاهات
مش ناسى ابدأ وقفك يوم الوداع
دى سايبه فيا ييجى ٨٠٠ وجع
وانا كل لحظه بتجرح م الذكريات
والقانى بابكى وبانكسر من عمر ضاع
متصدقيش اللى قالولك إن قلبى دا جدع
كان الوداع بالنسبه ليا
زى اكبر مستحيل
متصدقيش اللى قالولك جت سليمه
انا كل ليله تفوت عليا
ممله والوقت طويل
احساس خانقنى زى احساس الهزيمه



على عكس كل توقعاتى
هو انا عمره كان قصير
بقينا اهو ف حزن الوداع وكأنه عادى
بالنسبه حتى لامنياتى
مبقتش تانى خلاص بادور
واسرح وافكر ويا ذكرى ولا ماضى



كل اللى ياما سمعتهم !!!

كل اللى ياما سمعتهم

ف ألى ليه ما سمعوني..؟؟

واللى وقفت ف صفهم

خدوا منى ياما وما أدونيش

وحرام أفضل أشيل ف جراح ما تخصنيش



الكل شاف مصلحته حتى اللى كانوا منى

بعد اما خلصت حاجته بيعمل مش شايفنى

انا اللى عشت عشانهم يا خساره ما عيشتنيش



قدمت السبت ومليون حد

كل اللى عملته انتسى

ما طمرش ف يوم ولا خيرى اترد

ومخدتش منهم غير أسى

ف الغدر دول أساتذة ف الجو دا ماليش



كترو الاندال !!..

كترو الاندال فى زمنا

وبقالهم شنة وهيبه

واللى برئ وطيب

يا عينى دفع الضريبه

بقى حسن النية جريمه

وسذاجة وموضه قديمه

انا حاسس بالهزيمه

وبالف خيبة وخيبه



ابن الاصول متحارب

ف زمنا تمنه رخيص

دايما مخدوع يا عينى

من ١٠٠ مليون خسيس

دايما طبيته وبراءته

هی سبب مشکاته

بقت ذنبه وخطیئته

والناس شایفینها عیبه



کله بیضرب ف کله

بقی عادى الله یجازیهم

والمخلصین بیقلوا

بقی فین وفین تلاقیهم

والصدق وزمن العطف

اتنسفوا یا قلبی نسف

ومکانهم اخر الصف

وکبرت قبل الشیبه



هارجع طبيعیه !!..

أنا خدت قرار إن أنا الأمشى..

من امتی عملت حساب ز علی

ف خلاص مش فارقہ معايا ز علك

فكرنى ف يوم كنت بهمك

مبقاش يسعدنى أفضل جمبك

انا هبعد ودى حاجه ترجعلى



واهى فرصة بجد إنى اتحرر

من سجنك وعشانى اتغير

يمكن بالوقت ف يوم اقدر

أرجع من تانى ف يوم ليا

مبقتش خلاص محتاجة سنده

علشان انساك ولا مساعده..

باتحسن انا واحده .. بواحدة

واظمن هارجع طبيعیه

عدیت خطیت کل حدودك

متضايقه خلاص كارهة وجودك

مش عايزة خلاص اسمع سيرتك

ما اهو مكسب ليا انا لو سيبتك

متقولش ف يوم إنى حبيبتك

لا ف صالحك ولا عمره يفيدك!!..



ولا عن جرحك جالهم علم!؟..

عمال بس تدارى وتخبى

ولا عن جرحك جالهم علم

مش طالباك دلوقتى يا قلبى

انا مش ناقص حرقه دم



انا مش عايزك تبقى ضعيف

ولا حزين وتبات مكسور

انا شايفك برة التصنيف

يعنى اتمرد اغضب ثور

ما تبينش يا قلبى ف ضعفك

خليك اقوى كمان م الكل

ازاى بس عايزنى ف صفك

وانت بترضى سنين بالذل

عمال تبكى وتشكى لحالك

وازاى قادر بس تعيش

اصرخ فيك واقولك مالك

ردك دائماً لا .. مفيش..؟؟



مش عايزه ..!!

مش عايزه تجيبوا من تانى سيرته

وف اى كلام..

اسمه ما يتقالش ف يوم بالخير

خدوا موقف صغروا من صورته

وانا هابقى تمام

واللى ما يعرفش يقول دا .. كثير



عن نفسى وعلى قد ما هاقدر

أنا هامحى وجوده كمان وانكر

لو فيا حنين ولا بواقى

انا منها خلاص قادرة اتبرأ

هاتعلم اقسى وهاتجراً

ما انا خدت خلاص منه جزائي

أنا واحده سنين كات مظلومه

جرحها مش هين ومسمع

ما بين الناس ..

ف اعز الناس كات مصدومه

والاصعب إنى ف يوم ارجع

من غير احساس !!..



ع العموم !!..

ع العموم ما تشيلش همي

خلي بالك بس منك

يا ابن ابويا وابن امي

اوعى يوم الغربة تاكلك

مهما تاخذك السنين

والطريق تلاقيه دموع

ادعى زيي وقول امين

يبقى فيه بنا رجوع



مهما غيبت عنى سايب

جوة منى ذكريات

الف حاجة باعيش عليها

دنيا ايه من غير حبايب

عمرى كله واللى فات

انت كنت معايا فيها



شد حيلك فى الغياب

خلى صورتى قصاص عينيك

لو ف يوم اترد باب

الف غيره بيناديك

يا سنين حلمك عليه

ابو قلب برئ حنين

دا منى وروحى فيه

حبنى ليه دا مكانش هين ..؟؟



البقاء لله ..؟!!

وواقفة حبيبتي قدامى

وهى رايحة مش راجعة

وتبكى عليا ايامى

وتسقط من عيونى دمعاه

وباتفرج على حالى

وقادرة تقولها لى ف وشى

مجاش ابداء على بالى

تسيبنى حبيبتي يوم تمشى



عموما ما تشيليش همى

هالاقى حل مع حبي

وبالنسبة كدة لقلبي

البقاء لله !!!

وشد يا قلبي كده حيلك

وربى معاك وهيعينك

ومن جوايا بادعينك

وهى حياه !!..



وبان متماسك من بره

ولو جواك فيه نار قايدہ

ومش مرة دى كذا مره

يا قلبى خلاص مفيش فايدہ

هترجع تانى برضه تحن

ودا عيبك ومشكلتك

وانا هاعمل ساعتها كأن

ولا عرفتك ولا شوفتك !!..



ہما یومین ..!؟!

کل الناس لیه دایما فاکرہ..؟

إن بقالک عمر معایا

وکأنک ویایا من فتره

وإنک عایشه سنین جوایا



قالوا علیکی کمان محتلة

کل ما فیا وقلبك خلی

قلبی یسلم لیکی سلاحه

لو بایدیکی حتی سراحه

رافض قلبی یسیب میادینک

قلبی دا عایشک وبتفاصيلک

من ورا منی اکید بیجییک

یاما کتیر علی سری فتن لک ..

صدقى نبضه لو يوم قال لك

كل بداية وخطوة داعيك



هما ويومين وتلاتة جمعونا

بس باشوفهم احلى سنين

واللى ف يوم عرفونا وشافونا

قالوا علينا اتنين عاشقين !!..



ما يقع إلا الشاطر..!؟!

ووقعت ما يقع إلا الشاطر

وباقول طيب وباقول حاضر

من كتر ما كنت برئ ساذج

ومأمن ليهم ومغمض

انا باعلن إني خلاص خارج

من جوة حياتهم انا هبعد



وانا قلبي خلاص والله عاذره

متوقع ايه او منتظره

جرحك مبقاش فيا مسمع

مبقتش خلاص سيرتك توجع

كات آخر فرصة إننا نرجع

مات الاحساس وانت المسئول

جرحك دا مكانش ف يوم هين

وضميرك راضى ومستتهون

كان أول ايد يوم توجعنى

وانا ايه يجبرنى يرجعني

ارجع لعيون غاوية تبيعنى

ما اهو صعب تعيش طيب على طول..!!



دنيا عجيبه..!!

دنيا عجيبة والهزم مغلوب
وظنى فيها عمره ما يخيب
وما حد فيها بات مغلوب
الا اللي زيي برئ وطيب
وعشان ترجع براءتنا
نجوم السما أقرب ..



ومين تانى تأمن له
حتى اللي لحم كفافه
بتقول إنه من خيرك
عبيط لو قلت ضامنه
بعد اللي قلبى شافه
ما تعيش يوم لغيرك ..

مش كل حزن يقابلك

دايما جواه دفا

لو واحد مرة حبك

ملايين مزيفة

إحساسنا ببعض سافر

جوة قلوبنا اختفى...!!



نفس مبادئي !!..

انا اكثر حاجة بتميزنى

وتقوينى وتعزرنى

مهما يحاول حد يغيظنى

إن انا لسة قلبى نضيف

مهما الدنيا تغير غيرى

عمرى ما احول خطى وسيرى

نفس مبادئى ولسة ضميرى

احلى ما فىا ودرع وسيف..



عمرى ف يوم ما أخضع لشروط

مهما اشوف م الدنيا ضغوط

دايما واقف ضد الريح

صوت الحق ف كل موافقى

بيخلىنى اغلب ضعفى

بيعلينى ما دمت صريح



صعب إن اقدر لحظه اتلون

انسى مبادئى ومنها استأذن

ولا اسيبها تسافر وأعلن

إن ضميرى خلاص مش حى

مهما ضميرى تقابله عواصف

ولا يشوف م الدنيا مخاوف

واثق فيه دا دليلى وشايف

بعد العتمه بيجى الضى...!!



اطمني !!..

اطمنى وامشى وسيبينى يلا وياه افرحى
مبروك على قلبى الجراح مبروك عليكى مطرحى
كنتى بتوصى عينيا وقلبى إن انا انساه
عاملة مخلصه ووفيه وانتى سنين عايشاه



لايقين على بعض جدا اتنين خانوا الامانه
وغريبة انا وسطكم..
مين غير ما افهم واحس انا كنت سد خانه
جمعت شملكم ..

كنتى أقرب صديقة وكان اغلى حبيب
والضربة جاتنى منكم ومجاتش م الغريب



ياما اتكلمتى عنه ياما صغرتى ف صورته

ولا مره ف يوم بخير كنتى بتجيبى سيرته

قلت لى كتير مش شبهى وانى كتير عليه

قلتى دا حد غيرك ..

وانتى بتحلمى بيه...!!



أبويا..!!

ابويا كان زى الوتد يمكن أشد

واقف معايا طول حياتى ف ضهرى سد

عمرى ما جاش ف بالى يبقى بينى وبينه بعد

ومش مصدق إنه مات هو الكلام ده صحيح بجد



حبه ببلاش من غير شروط

واى أزمة كات تفوت

لو ايدى كات ماسكة ايديه

بعده انا ضهرى بينحنى

ده موته فعلا هدنى

بعده الأمان انا مش لاقيه

ابويا كان مش اى حد



انا لسة فاکر کل لحظة کات بینى وبينه

وقلبى بعد منه ع الفراق الله یعینه

تایه بدور تانى فیا علیا وف سنینه

وکل حاجة کات ما بنا تقولى فینه



ابویا کان اهلى وناسى وعزوتى وکل ما لیا

مبقتش عارف بعد موته مین معایا ومین علیا

کان هو عمرى ودنيتى واحلى ما فیا

ابویا کان من ربنا اجمل هديه

ابویا کان مش ای حد ..!!



مش شايفني ..!؟!

اللى فاكّر روحه عارفنى

لو ف مره خياله وصفنى

إنى حد حقيقى سعيد

يبقى فعلا مش شايفنى

مهما افرح مهما اضحك

كله كذب واللى صدق

يبقى عمر ما جرح زاره

اللى داق هو اللى فرق



اصل مش كل البكا يبقى دايمًا شكله دمع

ياما عشت سنين لوحدى حتى وانا وسط جمع



صعب إنى ف يوم أبين

واعمل إن جرحى هين

جوه منی ف ضعیفی اداری

وانکساری انا بیه باستهون

دمعی حتی عزیز علیا

أبکی لیه لو حتی فیا

الف جرح کتیر تاعبنی

بالتخصص بس لیا !!..



بالوقت ..؟!!

بالوقت كله بيتنسى

كذب ف كذب..

حد عمره ف يوم ما حب

اللى اتجراً مره وقالها

لما تلاقى حد عايش مهما غاب

جوه منك ياما ساب..

الف حاجه صعب ما تحسش جمالها



جوة الشرايين تلاقيه شغال

ساكن ف الروح دايم ع البال

وان قلت ف يوم هتنسى

تلاقيه وهم وخيال

وغلطة كبيرة جدا لا يمكن يوم اعملها !!..

ضحكتك !!..

ضحكتك بتدوب قلبى
تسوى ميت مليون جنيه
كل همومى وأوقات تعبى
قلبى نسيها يا بنت الأيه
العيون دى معجزات
والرموش دى بجد حلوه
والشفافى م الآيات
يعملوا لك الف غنوه



اسمحيلى وبعد اذنك
ابقى ليكى حته منك
قلبك هو مكانى وحضنك
اللى بارمى حمولى عليه

قلبی دآب ویاکی ف ثانیہ

راح معاکی لحتہ ثانیہ

انتی عمرہ واحلی دنیا

انتی ساکنہ جناب معالیہ



قلبی راح لك لیہ واشمعنا

انتی غیرہم لیہ بالذات

ضحکتک طعمہ والنعمہ

دوبت اجدعہا اہات

والجمال دہ مفیش اخوہ

ربکۃ لیا واحلی ورطہ

حتہ اصلی وعلی أبوہ

والصراحۃ مفیہوش غلطہ



ممکن توعدنې ..؟؟؟

ممکن توعدنې ..؟؟؟
لما الايام تيجى عليا تبقي معايا حبيبي عليها
وأما اتغرب يوم عن روحى ادور فيك من تانى الاقيها
وأما السنين تاخذنى
حنان قلبك يجيبنى
ايامى هتحاسبنى
لو انت مش فيها



ممکن توعدنې ..؟؟؟
اكون لك عين يا حبيبي وانت الننى
مسموح لك حتى من غير إذننى
تدخل كل ركن ف قلبى
تسكن روحى وهو دا طلبى ..

وإن سألوني يوم عن حبي

قلبي هاسيبه يجاوب عنى



انت عينا وروحي وعيني

حب باعيشه وفيه بالاقيني

قلب يكمل اللي ناقصنى

يا اللي وجودك بيظمنى

انت بجد اللي محسسنى

إن انا عايشة احلى سنينى



ممکن توعدنى..؟؟

تبقى ف جرحى حبيبي دوايا

ايدك ف ايديا وتبقى معايا

تفهمنى من غير ما اتكلم

تقرانى تلقانى باسلم

قلبي اللى سايبنى وبيك مغرم

الى ما لا نهايه !!..



ممکن توعدنى..؟؟

ابقى لك اختك وحبيبتك

وتشوفنى ف براءة بنتك

قادره وبجد إنى امدك

بجسر حنان موصل عندك

والدنيا ايه تسوى ف بعدك

دا شويه أقول إنى عشقتك !!..



وأنا هافضل ليه..؟؟؟

لما تلاقيني خرجت منك
والمسافة ما بنا خلاص بدأت تزيد
مهما كنت ساعتها جمبك
برضه هاكون عنك بعيد



وأنا هافضل ليه..؟؟
ف مشاعر ساذجة عبيطة وخايبه
وعلاقة ف مرحلة الانعاش
وأنا هافضل ليه..؟؟
اتعلق تانى بحبال دايبه
واحلم بحاجات انا ما لقيتهاش
علاقتنا..

سنة بسنة واخر خيط مربوط بيدوب

وميزاتنا..

واحدة واحدة بتتحول لعيوب..



انا عايز قلب مع الايام يبقى معايا

يفهمنى من غير ما اتكلم

ولا سكة امشيها ولا بداية

غير أيده ف ايدى ومصمم !!..



كبرت بنوتي ..!!

كبرت بنوتي حبيبتي خلاص

الله الله على دا احساس

اسندها يارب وعليها

احميتها كمان من عين الناس..



بتدوب قلبي بكلام كلمه

ضحكتها جميله.. أه والنعمه

ولطيفه ورقيقه وكمان طعمه

وعيونى عليها دايم حراس

كبرت بنوتي بسلامتها

فرحان انا بيها وباخواتها

تسلم لى وتسلم ضحكتها

دا مكانها ف قلبي وفوق الراس

كبرت بنوتی ومعالیها

مسموح لی إنی أدوب فیها

من ربی دا کات أغلی هدیة

باحمد ربنا شاكره علیها...!!



عیل...!!

ساعات باسرح و باتخیل

أعود من تانی كده عیل

وايه یمنع اعیش حلمی

ویجری ایه ده لو یحصل



ولا شایل ف قلبی هموم

ولا یفرق معایا بکره

یاریت ترجع یدوب لو یوم

ده احدى وقت من فتره

اذاكر درسی أكون شاطر

ده اكبر هم كان یومها

وهی تقولي قوم ذاكر

وفاكر أمی وكلامها



مشاعری رافضه لیه تكبر

یاریت قطر السنین هدی

على شكلي وأنا صغير

ملاحی لیه كمان واخده

لبنت جمیله كات جارتی

ولسة برائتي واخذانی

فین الأيام دی دلوقتی..؟

ولسة شوارعی حافظانی

مجرد ضيف..!!

بنتصارع.. ومين أشطر ومين بارع..؟؟

ونفضل نهري ف نفوسنا

ونجری ورا وهم وزيف

ونتسابق ..

على كدبة وكله ماشى ومفارق

وحتى اهلنا وناسنا

هيجى يوم ويبقوا لينا زى الطيف



ودنيا تافهة ليه ماسكين بأيدنا فيها واسناننا

ومين هيدوم ده كل عزيز هيجى يوم يفارقنا

وكله ف النهاية راحل

وقولى مين فيها فاضل

ومين فاهم ومين عاقل

ده كله ف الحياه لفته ... مجرد ضيف..!!

کلاکیت !!..

مشهد قدیم و عندی لیه ملیون إعادة

بالحرف والملى معايا بيحصل

لا خدت درس منه ولا استفاده

ولنفس النقطة معاه انا دايمًا أوصل



ما بتعلمش من اخطائى

ولسة برضه باقول ده نصيب

وكل مرة اخذ جزائى

والا قينى ف الآخر باسيب

وكأنى دى صبحت خلاص جوايا عاده



کلاکیت میت ملیون مره

نفس الكلام نفس المشاهد

عمال أعيد نفس الكره

على جرحى ليه عمال اساعد

واجى عليا وبزياده



بتتغير اماكن وتتبدل أشخاص

بس النهاية واحدة ثابتة ما تتغيرش

كان لازم بعد ده كله يتجمد الاحساس

لكنى برضه لسة م الجرح ما باتعلمش

ولسة كمان باتمادى...!!



سكة دوغرى !!..

سكة دوغرى ودى شروطى

دوبى فيا وفيا موتى

لماحتى ها على صوتى

وابقى عصبى استحملينى

واحد واحد وبالهداوه

يعنى مش نافع القساوه

ها الله ها الله ع الحلاوه

لما بس بتحتوينى



اعذرينى انا لما ادقق

ف الكلام وافضل احقق

صوتى يعلى كمان وازعق

بابتسامتك رجعينى

يعنى ممكن اكون متضايق

لو هاشوف لبسك مش لايق

لما اكون ف الزحمة وسايق

او عي يومها تكلميني..



يعنى حسك حسك عينك

تنسي وعد ما بيني وبينك

مين وياك أو كلمة فينك

او عي بيها مرة تضايقيني

هو ده السيستم ونظامي

يعنى فكرى وهو تمامي

واللى بيكسر لى كلامي

مش هاشيله ف نن عيني...!!



ضيف ثقيل !!..

كنا بنقول مستحيل

انسى يوم ولا انتى تنسى

حبنا كان ضيف ثقيل

يعنى لازم بقا يمشى



قلنا نبقى ضيوف خفاف

لما زاد بنا الخلاف

كل واحد فينا خاف

ع اللى باقى من سنينه

كله م المركب بيهرب

والبقاء كان وضع اصعب

مين بيقدر بس يهرب

م اللى مكتوب فوق جبينه

والنهایه عادیه جدا

زی ای قصه تافهه

لو بایدی ف یوم لا یمكن

أبقى سطر من حروفها !!..



وعادى إن إحنا مكملناش ..!!

اوعى غرورك مره يضلك

لما تقول وتقتل منى

ممکن حد ف يوم يسمعك

ليه بالنشر ده كله فاكرنى..؟؟



بينى وبينك ايام حلوه

وعادى إن إحنا مكملناش

جيببت منين بقى كل القسوه

عمرى اهو ضاع وياك ببلاش

يعنى مجرد إنى افتكرك احساس صعب عليا خانقتى

صعب ف يوم اديلك عذرك

ولا اقول مجنون مش عاقل

غلطك فيا بجد ووزرك ..

صعب أنا فيهم تاني اتساهل

رافض حتى اعيشك ذكرى

بعد خيانتك ليا سامحنى



يعنى مجرد لحظة اشتاقلك

يبقا باقلل كدة من قيمتى

كونى ف لحظة كنت بحبك

احساس خادع زى مرايتى !!..



حبيبتي .. وبنتى .. وأختى !!

أنا شايفك طول الوقت

حبيبتي وبنتى وأختى

من اول لحظة انا بيكى امنت

وقلت دى هى مرايتى ..



وأنا قبلك كل سنينى ضايعة

وراحت ع الفاضى

قضيتها ما بين واحدة وواحده

وحب كان عادى

احساسك خدنى ومش هارجع

مبقاش دلوقتى خلاص ينفع

غير إن ايديا خلاص ترفع

بدعايا تكونى ام ولادى ..

والحلم اللى انا عشته اتحقق

وبقيتى خلاص بين احضانى

طب اعمل ايه علشان اصدق

غير انى احبك من تانى

ده انا عشت سنينى علشان احبك

وسنين انا بحلم اجيب منك

حد يشبهنى ويشبهلك

ده كائنك مخلوقة علشانى !!..



ف الدنيا !!..

ف الدنيا تقابل ناس تشبهلك

ف الروح والفكر كمان والطبع

وناس تلاقيها كمان وكأنك

واقف قدامك تمثال شمع



وناس إحساسهم ياخذك يختصروا سنين وسنين

محبه وعشق يشدك لو حتى روح فين

روحك تلقاها معاهم

وتفتش كدة جواهرهم

تلقى مكانك موجود

وتقابل ناس تانيين

وما بين ملل وروتين

مليون احساس مفقود

وتحس إن انت وحيد لو حتى حواليك جمع..!!

بالاسم أنا ف غيابك عايشه !!..

عماله باقلب ف صورنا

ودموعى بتنزّل وقدرنا

نفارق بعض وليه اختارنا

نبعد ونروح..

من يوم ما بعدت حبيبي عنى

روحي عمالة تطلع منى

وباعيش ايامى دى كائى

حلاوة روح..



ارجع ليا سنينى مش قادره

ساذجة كثير انا كنت وفاكرة

أن البعد ده احسن حل

هاسحب تانى انا كل كلامى

أنا مش عايشه غير بالامى

ولا ف غيابك راضية تقل



بالاسم انا ف غيابك عايشه

متلخبطه يمكن أو طايشه

وبادارى ف وجعى واه حايشه

دمعة عيني..

واكدب لو قلت ف يوم هانسى

ف غيابك عنى بقيت حاسه

الدنيا دى من غيرك ناقصه

موتنى حينى...!!



ما بتدومش على حالها!!!

ومتفائل ببكره ال جاي

كتبت لياسى مليون نعى

دا بعد الليل ببيجى نهار

ولا حاجز ولا أسوار

دا وسط العتمه ببيان ضى



ما بتدومش على حالها

وربك فرجه بيقرب

مسير الصعب يتهون

بيسرها يعدلها

دا ظنك عمره ما يخيب

ولا بينساك ف يوم ابدا



ورزقك جاى ومكتوب لك

محدث واخده محسوب لك

بيسعى ليك وتسعى له

يا بخت اللى رضى بحاله

باقولها لروحي وبقولك !!..



داليدا ..!!

دنیا جدیدہ علینا سعیدہ

حب کبیر اوی بینی و بینہا

رب الکون دی و ہنی دالیدا

خلانی اشوف الکون دہ بعینہا



ربی احمیہا من شر العین

یا الی مفیش ف جمالہا اتین

ساکنۃ ف روحی و عینی و قلبی

مستنیہا بقالی سنین..



بنتی حبیبتی دی احلی ما فیا

رب الکون دہ بعثہا ہدیۃ

ربی احمیہا دایما واسندہا

اشیلہا ف عینی واشیل ف ولادہا

كل فين .. وفين ..؟!!

كل فين وفين ..

لما نقابل حد روحه

تبقى مكملّة انا

ومهما تعدى سنين

نشوفه اقرب ما لينا

ومع الايام معانا



لو عوزنا نجمة م السما نلاقيه جايبها

ويعمل اى حاجة علشان قلوب حاببها

وف كل مكان نروحه حاجز مكان جوانا



فى ناس جوة حياتنا هدية من ربنا

قلوب دايمًا تسمعنا وايدى حنينه

تشرق أو تغرب

ترجع لیهم تقرب

وقلبهم ده مكانك

وحضن عینیهم مهرب

وطول ما هما جمبك روحك مطمئه !!..



اکتشفتم أنا بعد فتره ..؟!!

اکتشفتم انا بعد فتره ..

إن أغلب الجراح

بتيجي على فكرة

م اللي انت تكون مرتاح

ليهم ومصدقهم

ومتعشم بزياده

جرحوا ف قلبي ما خلوا

عمال بدى وباتمادى

كالعادة بيا اتسلوا

ف عز ما انا بعشقهم



خليك يا قلبي جامد

ع الاحزان دى دوس

ياما هتشوف م الدنيا

ولسة هتاخذ دروس



كان نفسى اقابل ناس

لسة عايشين للناس

من كتر ما شوفت منهم

اتجمد الاحساس

ويا ميت الف خساره

راجع كلى مراره

والدنيا يوم ويوم

وسنينها دواره !!..



بنتقابل ..!!

بنتقابل .. وكل حد فينا عامل

دور الراسى والعاقل

ومايبينش بالساهل

شعور عايشه سنين جواه



نخبى ندارى مشاعرنا

ونحسد لو نشوف غيرنا

بيعلن اللى ف ضميرنا

وبنموت ف إحساسنا وهو ف نبضه لسنة حياه



محدث فينا كان اشجع من الثانى ولا اتجرأ

يقولها ف يوم ويعلمها

كأن هوانا ذنب وكان سنين منه بنتبرأ

ومن مشاعرنا وسنينها

فضلنا ندارى ونخبى ومش راضيين نبينها



وواخذنا السنين وبنمشي ولا موج الحياة هدى

ومش عارفين طريقنا منين

ونكذب لو قلنا ننسى تحس خلاص مفيش فائدة

واحساسنا هنوصل بيه ده بس لفين

هنبقى ف يوم كدة واحد حرام نبقى ف يوم اتنين !!..



خدها نصيحه !!..

انت نسيت نفسك ومصدق

إنك بعدى هتقدر تعشق

انسى ان انت ف يوم تنسانى

حلم وصعب ف يوم يتحقق

جرب تانى تعيش من بعدى

خدها نصيحة وشوفها تحدى

اكبر اوى انا من نسيانك

مش تجربة وقتها بيعدى



ليك بعدى هيبقا مخيف

وقته يعدى ممل سخيف

هافضل دايما نقطة ضعفك

طفل وتايه حد ضعيف



اوعى غرورك لحظة يضلّك
لو فكرت ان انا هارجع لك
عمرى ما هاقدر اسامح نفسي
ايه جوايا ممكن يشفع لك
كنا لبعض دى كلمة وبطلت
وقتها عدى وقصة وخلصت
واللي يموت من امتى بيرجع
متهيالى رسالتى دى وصلت !!..



خدت درس !!..

بعدی عنهم کان غنیمه

بس عادى جت سلیمه

اللى قلت ف يوم ملايكة

طلعوا مرضى وناس لئيمه



الوفا ودفعت تمنه

صعب حد ف يوم تأمنه

تبقا ساذج زيي فعلا

لو فلان هتقولى ضامنه

اللى يوفى ده عملة نادره

ف الزمان ده وعلى فكره

اللى زى قلبى خلصوا

نقصوا واحد وأنا ادرى ..

خدت حذرى وقلبى حرص

من قلوب كدة بالتخصص

الاذية بتحترمها

صعب تانى ابقا مخلص

صعب يسكت ليا حس

دوقت جرح وخذت درس

والنتائج لو عالمها

كنت عيشت لروحي بس !!..



جيشنا العظيم ..

جيشنا العظيم أبو قلب أبيض

عمره ما ساب يوم الميدان

ولا وقت شدة يوم اتردد

واقف عشان يدى الامان

عينيه على بلده وأهله

وإن صوت الموت نادهله

يروح له ولا مرة اتخلوا

ف الشدة الناس تبان



رغم الظروف رغم المحن

كل طبيب قلقنا راحته

لو مرة شال عنا الشجن

بتبقا دى لحظة سعادته

واقف هناك زى الوتد

لا عمره خاف ولا بعد

ربك كريم واحد احد

مالى قلوبهم بالإيمان



بتشوف ف عينهم ابتسامة

رغم الألم رغم الجراح

بيوصلوك بر السلامة

ده اى ليل بعده صباح

واقف هناك زى الوتد

لا عمره خاف ولا بعد

ربك كريم واحد احد

مالى قلوبهم بالإيمان !!..



هاعيش ليا ..!!

واحشني حاجات كثير كانت زمان فيا
وليه احلم بحاجة خلاص ما اهش جاية
بقيت عايزة اكون وحدى ومرتاحه
ولو حتى اكون ف الدنيا منسيه



وكل ما حد بيقرب اغيب وابعد
وبعدي خلاص بقى عادة
بقت صعبة وعارفة إني كدة باقصد
اعيش لروحي بزيادة
ما انا ف القرب ما ارتاحتش

وبالقي راحتى وحديا



وعادي الوحدة مش فارقه
ما يمكن تبقى يوم ميزه

ولا هاسمح ف يوم ابقى

ضعيفة دموعي دى عزيزة

وهاسند روجي على روجي هاعيش ليا



بقيت قاسية وعارفة القسوة بتغير

حاولت بس معرفتش

أعود ليا ومن تانى ف يوم ادور

عليا بس مقدرتش

الاقى روجي تانى فيا !!..



ولیه دایماً.. یا دنیا ..؟!!

ولیه دایماً یا دنیا ..؟

تستقوی ع الغلابه

وسایبه الساحة فاضیه

بس لصوت الدیابه



وتطلعینا ع المسرح

یا دنیا بالف شکل

قولیلی امتی هافرح
ولا کله ذل

یا دنیا حرام علیکی

هو انتی لیه قلابه



مالکیش یا دنیا ماسکه

ولا لاقی معاکى حلول

الدمعة ف كل سكه
مهما أصرخ مهما اقول
عاملة لى فيها من بنها
نتسوى ع الجانبين
دا أكثر فرحه زمنها
فيكى يا دنيا يومين
خالفة دايمًا وعودك بنت ستين كدابه



وليه دايمًا يا دنيا
شجرك طارح جروح
أحزاني تحن ليا
تجيني منين باروح
واقع يا دنيا ف عرضك
ومتعمليش نسايه..

ده انا كل خطوه ف أرضك

بتصحى جراح جوايا

وانا عودى لسة اخضر

قلب مليون طيايه !!..



قابلت ناس ف الدنيا..!!

قابلت ناس ف الدنيا ..

ياما بجراحي اتسلوا

ف الشدة عنى اتخلوا

وقلبي الله يعينه

على كل اللي حصل له

اتألم ولا جاب سيرة

من ناس غدارة كتيرة

خدوا عمره وكل سنينه

وياريتهم كانوا يستاهلوا



ويا ميت الف خساره

على ناس كتير غداره

خسروا يا صاحبى الرهان

دا الدنيا دواره..

واديّني انا باعترف

ساهمت وللاسف

علشان يبكوا عينا

سنيين جرحي بينزف

ولا حد فيهم يعرف

ولا بيعطف عليا

بجد دول اساتذة

شافوا ف جرحي لذه

انا اسقيهم معزه

وهما بيهدوا فيا

خدوا عمري وكل سنيني

وياريتهم كانوا يستاهلوا

أعيش جمبيهم ثانيه !!..



أيوه بجد التقدير

خسرنا يا قلبي كثير

ومكسب لنا خسارتهم

كفايانا يا قلبي سذاجه

اتعلم منهم حاجه

وبلاش تمشى ف سكتهم

بجد دول اساتذه

شافوا ف جرحي لذه

انا اسقيهم معزه

وهما بيهدوا فيا

خدوا عمري وكل سنيني وياريتهم كانوا يستاهلوا

أعيش جمبيهم ثانيه !!!



خدها عبره !!..

شاداك الحياه يا اللي ناسي اخرتك
ده اللي أمن ليها تاه مهما حتى غرتك
كله ف الآخر سايبها
مين هياخد شئ معاه تافهة جدا دنييتك



خدها عبرة م اللي قبلك
اوعى دنيا ف يوم تضلك
تمشي سكة تكون شمال
والبنون والمال تغرك



ده ربك برضه رب قلوب
ورزقك بين ايدين الله
ماحدش قال يارب ف يوم

وَضَلَّ طَرِيقَهُ يَوْمَ أَوْتَاهُ
فَ وَسَطَ الْعَتَمَةِ بَيِّبَانَ ضِي
لَا تَسْتَعْجِبْ لَا تَسْتَغْرِبْ مَا هِيَ حَيَاةُ



وَكُلُّهُ فَ وَقْتُهُ مُتَقَدِّرٌ
وَرِزْقُكَ جَائٍ بَسْ أَصْبِرْ
دِه رِزْقُكَ بَكْرَهُ هَائِيْجِي لَكَ
فَمَا تَقُولُشْ إِنَّهُ مُتَأَخِّرٌ..



صَلُّوا عَلَيْهِ وَسَلِّمُوا طَهُ الْبَشِيرِ الْمَصْطَفِيِّ
هُوَ شَفِيعُنَا وَالْذَّلِيلُ لَوْ أَلْفُ نُورٍ فِينَا أَنْطَفَى
رَحْمَهُ وَهَدِيَهُ مِ الْعَظِيمِ
قِرَانِ كَرِيمٍ تَلَاقِي فِيهِ مَعْنَى الدِّفَا

بالك يروق ما بين آياته ..

واللي ضمائرهم حتى ماتوا

قلبه يلين لو كان حجر

مع كل آية من آياته !!..



على مسمى ..!!

وهاتعب روحى ليه وادور على مسمى

بيوصف حالى دلوقتى وأنا وياك

وحالى ما يوصفوش كلمة

كفاية ان أنا مأمناك



على روحى ومرتاحة ومبسوطة

ومش شايلة هموم ولا حزن

وعايشة ف احلى حدوة

وشايفة عينيك دى اجمل حضن

تاخذنى منى وتعدى حدود الصعب

ومش فارق يقولوا حب أو مش حب

كفاية ألقى روحى معاك..



بنتكلم وراحتك بتلاقيها عندي

وجودك كان سبب سعدى

ولو دمة على خدى

بكلمة حلوه تمسحها

صديقه حبيبته بتشوفها

وأنا سايبها بظروفها

وعمرى ما كنت أعرفها

مشاعر صعب أشرحها !!..



بواقى حنين ..!!

والومه ليه .. وأيه ذنبه ..؟؟

ع الوضع اللى قلبى أنا فيه

ما عقلى قال لى ياما نبعد

وقلبى تاعبنى مش قادرة بجد عليه

مكنتش يوم ف حساباته وم الدنيا اللى براها

ومن عمرى سنين فاتوا وصعب تانى ألقاها



وليه اكمل ف حب بس من طرفى

واذل نفسى ليه بضعفى

ولو فىا بواقى حنين

وبيه انا ممكن اتحجج وتبقى مشاعرى معذوره

وليه أظهر ف صورة واحدة مكسوره

ومش عارفة طريقها منين ..

هاجمد قلبی لازم ابعء وعنه اغیب

ما اهوش نافع لقلبی حبیب

ده عمره ما حاسنی وعاشنی

واعیش ازای ولیه اکمل ف قصه باشوفها مش کامله

بیبعد کل ما بأقرب وبخسر جمبه میت جوله

ده خیب فیها یاما ظنی !!..



من غيرك احنا ضعاف !!..

مدتنيش على قد ذنوبي ارحم منى يا رب عليا

دايما ساتر كل عيوبي حتى اوحش حاجة فيا

بتقويني وبتنجيني حتى ف عز ما قلبي بباعد

ألقاك دايما واقف جنبي اقرب منى ليا



وأرجع لذنوبي واتمادى

وانت يا رحيم كالعادة

بتسامح واوام تغفر

وكتير على بعدك تصبر يا ربي عليه بزياده



وبالي يروق والاقى روحى ليه اهدا

ما دام ماشي ف نور الله وباتوضا

ده من ضيه تدوب التوهة والعتمه

والاقي ف قربہ ميت سندہ

ولما باتوه وعنه بغيب

يئن قلبي ف ضلوعى كانه غريب

والاقي نجاتي بين أيده

ده ربك عنده الترتيب



ومفیش غيرك يا ربي فى الكون ده يحمينا

تاخذ بأيدينا نعدى تسندنا وتنجيننا

ولا بذنوبنا تاخذنا

مهما عنك بعدنا برضه انت اقرب ما لينا



الشيلة علينا تقلت من غيرك احنا ضعاف

بقينا ف عز النور بقينا من بعض نخاف

الحل يارب عندك ودا ابسط اعتراف !!..

بكل هدوء !!!

طلعتى غير ما فكرتك
وجه اليوم اللى إذا خسرتك
هاكون كسبان
خسرت رهان
ومش ندمان عشان سيبتك



وادينى ماشى بكل هدوء
ما كان لازم ف لحظة افوق
ما انا الغلطان وانا المحقوق
عشان عمرى ما يوم شوفتك
بجد ف الخداع شاطره
برافو عليكى لا قادره

والف تحية على فكره

صغرت لما كبرتك



وماشية معايا بالمقلوب

ميزاتي كات معاكى عيوب

يدوب فترة وبس يدوب

وهاسكت مش هاجيب سيرتك

وهاتبرأ اكيد منى

ده لو يوم الحنين خدنى

هاموت روحى ولا إنى

اخطى تانى مملكتك ..



هی دی اخلاق ..؟!!

ما يقول يا فراق

ده بعينه اشتاق

هی دی اخلاق

ولا هاسأل فيه..؟؟



قلل منى وقل ف راحتى

مع السلامة هاشوف مصلحتى

ياما ضيعت كثير من وقتى

هم انزاح هازعل على ايه

سابنى اتمرجح ع الجبلين

ياما سوانى ع الجانبين

وهم دا عيشته دا يطلع مين

يعنى الطلعة الجاية عليه

اللى قلبه ده كان تربيتى

جرحه ده علنى ومش سكيتى

اللى قلت ده اصلى وبيتى

باعنى خدعنى وهنت عليه

وصوه ينسى ويبعد خالص

أه بوجوده معايا مش حاسس

يعنى بجملة اه مش ناقص

على مين هاحكى وهاحكى ف ايه ..؟؟



أمك ..

ف الدنيا دي مين بيشيل همك

وف عز الخوف تلاقيه يضمك

ويضحى عشانك بالغالي

مش عايزة سؤال طبعا أمك



حبها مجاني وتلقاها ف عز الازمات

وتدوب ضحكتها ساعتها اجدعها اهات

بتقوى ف قلبك وبتسند

وبتجري ف روحك وف دمك



تلقاها بتحس باوجاعك

شارياك لو حتى الكون باعك

تتغرب واما ف يوم تبعد

ترتاح لو نطقت يوم اسمك..

بواقى حنين
